

孫拾遺

文纂

四明張氏約園開雅

序

唐史豔稱韓偓司空圖謂其能知幾也於孫郃則遺之
郃當天祐間官拾遺目擊藩鎮恣肆主勢日孤南北司
各結外援以相傾軋甚且舍近附遠去忠結奸以求一
日之安封疆日蹙爲大臣者不恤執板歌以侑酒泣訴
於窮凶之人僅僅有山南東道節度使趙匡凝及其弟
留後匡明委輸不絕佐藩府者日計議肥私瘠公之策
深疾搢紳之士至以清流投之濁流嗚呼豈僅春秋之
三桓哉夫唐之亡亡於藩鎮亡於叛卒實亡於飢民耳

孫拾遺文集序

四明叢書
約園刊本

有黃巢而後有朱温有朱温而國祚以移故其卜世論
曰在乎利民又曰欲永其祚莫先德義貽厥後世春秋
無賢臣論旣引書曰帝乃震怒致令海內無一嘉祥但
有妖怪又引易曰屯其膏小貞吉大貞凶蓋桐之也詩
二章一則喜韋補闕之靖獻一則自比三閭大夫之介
潔耿耿忠義情見於詞吉光片羽與偓之詩圖之詩品
並存可也固非僅一鄉之士矣爰敘其世俾讀者知其
人民國二十年二月後學張壽鏞序

孫拾遺文集目錄

論

卜世論

春秋無賢臣論

序

送無作上人遊雲門法華序

傳

方玄英先生傳

墓志銘

孫拾遺文集

王積中墓志銘

詩

哭玄英方干先生

古意

擬梓州陳拾遺

句

附錄方干詩

孫拾遺文纂

唐奉化孫邠希韓撰 後學鄭張壽鏞詠霓輯

論

卜世論

周成王定鼎于郊廓卜世三千卜年七百夫帝王括囊
宇宙位重憂崇天生利民非樂兆民之上故君民者遇
夫聖則禪之不遇則以子繼之堯之於舜舜之於禹禹
之於子是以周都天地之中欲便四方之會不恃山河
務從德化原其意也在乎利民豈異唐虞之道而反卜
年卜世邪必也欲永其祚莫先德義貽厥後世天人祐
之豈非無窮也哉何三十七百年世之有若右其卜而
左其德俾乎厥後恃年世之永久必輕乎德義若此之
謀非君子之道也昔太戊懼戮而盛帝辛恃瑞而亡在
此不在彼豈不知之而卜年卜世者乎

春秋無賢臣論

春秋列國周之諸侯受周之封分爲五等五等之下臣
爲陪臣陪臣於諸侯君父也諸侯於周王亦君父也陪
臣於周義猶大父也夫爲子之道孝於父者必欲父孝

於祖陪臣忠於諸侯者必欲諸侯忠於天子則忠孝兩全康又天下今春秋陪臣張公室侵王室弱周以強諸侯是弱祖而強父佐諸侯而敵周是佐父而敵祖遺祖之怨成父之逆惡莫大焉言之於臣則非忠語之於子則非孝論之於道則傷義推之於情則辜恩遂使姬周削弱祀號而已桓文雖以爲霸何能正之反有封禪請隧之僭管晏雖有其功何能諫之而有反玷毀孔之惡于時風教大壞海內焚如天不能陰隲下民降大聖以爲木鐸歷國七十餘說而不遇奔走齊魯宋衛之郊反

若喪家之狗知不可訓慮後世不懼乃修春秋明向背其有甚者或夷之或狄之弑君三十六亡國五十二奔走失社稷者不可勝紀書曰帝乃震怒致令海內無一嘉祥但有妖怪謂春秋亂世豈不如然于時人不堪命何邪無賢臣哉予爲此論警眾士大夫多稱之遂聞駸駸駸徵而奇之或謂可刊金石訓乎今後旣而喧傳則有難僕曰春秋豈乏賢者子謂之無激之邪鮮之邪奈乎孔門何曰孔門仕者鮮又家臣耳子不讀聖賢書乎易云屯其膏小貞吉大貞凶春秋之大夫小貞耳盍

以大貞取之以王道取五霸猶罪人

序

送無作上人遊雲門法華序

越中山水名於天下山寺雲門法華又名焉嘗憶北海
遊越越帥日率從事樂妓酒饌訪北海北海不樂因曰
某久住此蓋爲雲門法華二寺今日攜酒樂大似方便
發遣越帥乃已

此出孫相公譜書
譜書是顏魯公作

又見朱放詩曰長憶

雲門寺門前千萬峯卻嘗居越中每吟此詩未遊二寺

常以爲過上人名僧也又遊名寺前欲遊天台今遊雲

孫拾遺文集

三

約園刊本

門法華二寺宜哉乃知靈鶴不之蓬島則在青田有異
凡禽遊不擇地別上人怏怏因爲序送之

傳

方玄英先生傳

先生新安人字雄飛章八元卽先生外王父也廣明中
和閒爲律詩江之南未有及者始謁錢塘守姚公公
視其貌陋初甚侮之坐定覽卷駭目變容而歎之先生
一舉不得志遂遯於會稽漁於鑑湖與鄭仁規李頻陶
詳爲三益友弟子宏農楊弁釋子居遠及卒弁編其詩

請舍人王贊爲之序贊序云張祐升杜甫之堂方干入錢起之室

墓志銘

王積中墓志銘

君諱知蘊字積中連山大堰人幼挺奇操嘗以翊贊經綸匡持邦國爲己任歷蘇州嘉興尉陞安吉令以廉能善政爲長吏所徵仕終朝散大夫壽王府咨議參軍監察御史柱國曾祖珪別駕贈大理卿祖添司農卿父邁黃巖令子慎徵校書郎處州長史昌禹監察御史裏行

孫拾遺文集

四

四明叢書
約圖刊本

一門鼎盛世有嘉績當世罕比

壽鏞案奉化縣志人物傳王知蘊傳末註歷志本孫邵撰墓志參臨川集云檢臨川集卷九十五刑部侍郎王公墓志銘云其先晉丞相導也丞相十有六世孫儉爲唐正議大夫刺明州始去長安之萬年爲明之奉化人云云是王知蘊傳中季父儉由開元禮上第累任刑部尙書刺明州始去長安之萬年爲明之奉化人一段文字乃參臨川集者餘爲孫拾遺志文也當始修奉志之時拾遺文集

必有存者今皆散亡吉光片羽殊可寶焉因錄之
惜其銘文無可攷而志文復不全耳

詩

哭玄英方干先生

斗牛文星落知是先生死湖上聞哭聲門前見彈指官
無一寸祿名傳千萬里死著紙衣裳生誰念朱紫我心
痛其語淚落不能已猶喜韋補闕揚名獻天子

古意

擬梓州陳拾遺

屈子生楚國七雄知其材介潔世不容跡合藏蒿萊道

孫逖文集

五十四
四明叢書

約園刊本

廢固命也瓢飲亦賢哉何事葬江魚空使後人哀

魏禮段干木秦王乃止戈小國有其人大國柰之何賢

哲信爲美兵甲豈云多君子戰必勝斯言聞孟軻

句

仕宦類商賈終日常東西

青瑣傳香扶日出紫雲護闕擁山來

附錄方干詩

壽鏞案計有功唐詩紀事既錄孫拾遺哭玄英方

先生詩又錄玄英先生傳其詩其傳之存實賴之

拾遺既惜其官無寸祿名傳萬里又引王贊序云
張祐升杜甫之堂方干入錢起之室則其人可知
已唐詩紀事載方干詩及諸家贈詩爲附錄焉

早春云運行元化不參差四極中華共一時正氣纔
隨灰律變殘寒便被柳條欺冰融大澤朝陽覺草
綠陳根夜雨知不信風光疾於箭年來年去變霜
鬢

越州使院竹云莫見凌雲飄粉籜須知礙石作盤根
細看枝上蟬吟處猶是筍時蟲食痕月送綠陰斜

孫拾遺集

六一四明叢書

約園刊本

上砌露凝寒色溼遮門列仙終日逍遙地烏雀潛
來不敢喧

除夜云玉漏斯須卽達晨四時吹轉任風輪寒燈短
燼方燒臘畫角殘聲已報春明日便爲經歲客昨
朝猶是少年人新正定數隨年減浮世惟應百遍
新

干爲人質野每見人設三拜曰禮數有三識者呼爲
方三拜爲人脣缺連應十餘舉遂歸鏡湖後十數
年遇醫補脣年已老矣鏡湖人號曰補脣先生鏡

湖西島閒居詩曰寒居壓鏡心此處是家林梁燕
欺春醉巖猿學夜吟雲連平地起月向白波沈猶
自聞鐘角棲身可在深

又云世人如不容吾自縱天慵落葉憑風掃香燭清
水春花朝連郭霧雪夜隔湖鐘身在能無事頭宜
白此峯

又感懷云至業不得力到今猶苦吟吟成五字句用
破一生心世路屈聲滿雲溪冤烝深前賢多晚達
莫怕鬢霜侵

孫過文集

七四明藏書

約園刊本

干爲詩如鶴盤遠勢投孤嶼蟬曳殘聲過別枝齊梁
已來未之有也

干師徐凝干常刺凝曰把得新詩草裏論反語曰村
裏老餘杭守謂干苦吟未能應卒因夜燕以飛字
韻命賦之干時立成曰閒世仙郎夜燕時丁丁寒
漏滴聲微琵琶絃促干般調鸚鵡杯深四散飛徧
請玉容歌白雪高燒紅燭照朱衣人閒有此榮華
事爭遣漁翁戀釣磯

唐末宰臣張文蔚中書舍人封舜卿奏名儒不遇者

五人請賜一官以慰其魂干其一也

干寄李頻云山木又搖落望君還不還軒車何處去
兩雪滿前山思苦寒星動鄉遙釣渚閒明年見名
字唯我獨何顏又有題桃花塢周處士別業云細
泉出石飛難盡孤燭和雲溼不明何事懶於嵇叔
夜更無書札答公卿又貽天目中峯客有枯井夜
聞鄰果落廢巢寒見別禽來之句張爲取作主客

圖

吳融贈干詩曰把筆盡爲詩何人獻天子句滿天下

孫搢文集

八四明叢書

約園刊本

口名聒天下耳不識朝不識市曠逍遙閒徙倚一
杯酒無萬事一葉丹無千里衣裳白雲坐臥流水
霜落風高忽相憶惠然見訪留一夕一夕聽吟十
數篇水榭林蘿爲岑寂拂且捨我亦不辭攜筇徑
去隨所適無處覓雲半片鶴一隻

僧可朋贈干詩云盛名傳出自皇州一舉參差便縮
頭月裏豈無攀桂分湖中剛愛釣魚休童偷詩橐
呈鄰叟客乞書題謁郡侯獨汎短舟無限景波濤

西接洞庭秋

僧貫休贈詩云盛名與高隱合近謝敷村弟子已得
桂先生猶灌園投綸侵海分得句覓雲根白日昇

天路知君別有門

弟子謂李頻也

僧虛中悼干云先生在世日祇向鏡湖居明主未巡
狩白頭閒釣魚煙莎一徑小洲島四鄰疏獨有爲
儒者時來弔舊廬

壽鏞案全唐詩話於孫拾遺則遺之於方干僅錄
其越州使院竹世人如不容二首及鶴盤遠勢投
孤嶼蟬曳殘聲過別枝二句又貽天目中峯客二

孫拾遺彙

九四明藏書

約園刊本

句攷清四庫存目提要云全唐詩話原本題宋尤
袤撰表爲紹興二十一年進士以光宗時卒而自
序年月乃題咸淳時代殊不相及校驗其文皆與
計有功唐詩紀事相同周密齊東野語載賈似道
所著諸書此居其一蓋似道假手廖瑩中而瑩中
又剽竊舊文後人惡似道之姦改題表名毛晉不
爲攷核刻之津逮祕書中疏亦甚矣云云是其不
知有孫拾遺也固宜

孫拾遺文彙

孫拾遺文集補遺目錄

論

昭帝論

詩

宮詞

長信宮

春日早朝

壽鋪既輯孫拾遺文集深知寡陋頃見李君鏡渠
爲之補綴竇心感之今重板補刻文一詩二至拾

孫拾遺文集補遺

目錄

四明叢書
約圖刊本

遺里居爲台爲寧固可各言事蹟不必以此爭奪
也丙子仲春

孫拾遺文集補遺

論

昭帝論

人君之德莫大於至明至明以照姦則百邪不能蔽矣漢昭帝是也年十四而知燕王書詐後有譖霍光者上輒怒曰敢有譖毀者坐之周成王有慚德矣高祖文景俱不如也成王聞管蔡流言觀召公不悅遂使周公狼跋而東鴟鵂之詩作矣漢高聞陳平去魏背楚欲捨腹心臣漢文惑季布使酒難近署歸股肱郡疑賈生擅權

孫拾遺文集補遺

約園刊本

分亂復疏賢士景帝信讒誅晁錯兵解遂戮三公所謂執狐疑之心來讒賊之口向使昭帝得伊呂之佐則成康不足侔矣惜哉霍光不學亡術未稱其德然輕徭薄賦與人休息匈奴和親百姓充實議鹽鐵而罷權酷亦信任忠良之效也纔弱冠而殂功德未盡可以痛矣

咸陽

縣志卷
十六

詩

宮詞

楊柳宮邊日已斜
歌聲猶按後庭花
不知春思當誰似

青黛娥眉奪麗華

雙雙紫燕語呢喃怪引春宮夢不甘聞道君王多惜玉

肯教自碎碧鸞簪

安洲詩錄

長信宮

一從同輩辭君寵已分齊紈賦妾詩別院花紅休悵恨

亦曾開在阿嬌時

安洲詩錄

春日早朝

三年望仗正徘徊曙色盈盈金殿開青瑣侍香扶日出

紫雲護闕擁山來班聯鴛鴦仙官舞影動龍螭淑氣催

孫拾遺文集補遺

四期叢書
約園刊本

禁祕天顏常咫尺欣林願進萬年杯

安洲詩錄

孫拾遺文集補遺

孫拾遺外紀目錄

傳

遺事

著述

墓

籍貫附

校勘

孫拾遺外紀

鄞 後學張壽鏞詠霓輯

壽鏞弱歲讀王伯厚先生困學紀聞至春秋無賢
臣論未嘗不廢書三歎也因念謝山先生注而得
孫拾遺原文之大凡更證以抱經樓舊藏四明文
獻考卽謝山所謂乾道圖經賴此存者遂得春秋
無賢臣論卜世論全文及哭玄英方干先生詩一
首古意二首於是益取宋計有功唐詩紀事宋姚
鉉唐文粹及清選全唐文全唐詩清董慶酉四明

孫拾遺外紀

一 四明叢書
約圖刊本

詩幹袁鈞四明文徵奉化縣志一一核對綜前後
所得僅文六首詩三首而已最後檢台州府志其
遺聞軼事詳於寧奉各志然詩文無可增益爰據
所見別編外紀自慚譎陋幸邦人君子教正焉

傳

宋張津乾道四明圖經本傳

孫邵有文名四明才名記云孫邵博學高才唐末投拾
遺靜慧院卽其故宅

元袁桷延祐四明志本傳

孫邨奉化博學高才

見四明才名記云

唐末爲左拾遺朱溫篡

唐著春秋無賢臣論卜世論

見文粹

卽脫冠裳服布衣以

隱著書紀年悉用甲子以示不臣之義詩擬陳子昂有
哭方干詩見姚鉉所纂唐文粹今淨惠院其故宅也

清吳任臣十國春秋本傳

壽鏞案十國春秋一百四十卷清康熙間仁和吳

任臣撰其自序云大抵南唐敦文事江左以興吳

越效恭順國祚克永楚以侈靡喪厥家閩以淫暴

傾其國楊氏孱弱而隨失高氏無賴而倖存前後

孫拾遺外紀

二四明叢書
約園刊本

蜀之恃險無備其迹同也南北漢之先滅後亡其

勢異也知乎此而十國君臣之得失政治之盛衰

傳世長短之數國勢順逆之形夫固可以概見而

得其要領矣立論極爲平允列孫拾遺傳於吳越

以其爲越人也

孫邨明州奉化人也自幼負氣岸博學高才唐末爲左

拾遺朱全忠篡唐著春秋無賢臣論卽脫冠裳服布衣

歸隱於奉化山著書紀事悉用甲子以示不臣之義

浙江通志本傳

壽鏞案志曰十國春秋云云與前傳同不重錄

寧波府志本傳

唐孫邵字希韓奉化人幼負氣岸天祐閒官右拾遺後朱溫篡唐因脫冠遯著書紀年悉用甲子示不臣之義養晦林泉作詩擬陳子昂有哭方干詩偉節凜然故宅在縣東數里後徙湖山廢爲淨惠寺子孫有徙家會稽者宋天禧中孫沔第進士爲御史裏行後知明州杜正獻嘗以詩送之有暫還仁里庇斯民之句云其後爽仲濟奉時中皆以科第顯

孫揆遺外紀

三四明叢書

約園刊本

奉化縣志本傳

孫邵字希韓幼負氣岸博學高才乾寧中舉進士天祐閒授左拾遺朱溫篡唐著春秋無賢臣論卜世論卽脫冠裳服布衣以隱著書紀年悉用甲子以示不臣之義詩擬陳子昂有哭方干詩偉節凜然淨惠院卽其故宅其遠孫曰沔字元規宋天禧三年第進士爲人明敏果敢歷官至監察御史裏行沔先世徙寓會稽未欲遠去墳墓乞知明州許之杜衍遺之詩云四明山水饒靈粹唐有希韓隻出倫又見賢侯光乃祖暫還仁里庇斯民

屬山東盜起徙知徐州以禮部侍郎致仕築居於明有詩云新治甬上居閒逸安暮齒

台州府志本傳

孫邵字希韓樂安人

嘉定志

自幼負氣岸博學高才

兩浙名賢

嘗從方干學

康熙志

登乾寧四年進士第好孟荀揚之

書爲文學韓愈仕至校書郎河南文學

郡齋讀書記

累遷右

拾遺朱溫篡唐邵著春秋無賢臣論卽脫冠裳服布衣

而隱著書紀年悉用甲子以示不臣之義

名賢錄

著有才

名志

宋高僧傳

文纂四十卷

讀書志

小集三卷

唐書藝文志

文格二

孫拾遺外紀

四一四明叢書約刊本

卷

宋史藝文志

壽鏞案光緒台州府志人物傳十七考異云乾道

四明志作奉化人兩浙名賢錄十國春秋浙江通

志寧波府志同今案嘉定赤城志云方干詩前後

序皆樂安人浙江通志四明郡才名志下引宋高

僧傳樂安孫邵著則邵本樂安人無疑十國春秋

言歸隱於奉化山蓋邵後隱於奉化遂以爲奉化

人也

考異又云康熙志邵少從方干遊旣貴還謁干干

方釣於鑑湖踞而不顧郃立不敢請久之失魚掉
湖濱遂命之捕郃卸衣寫往得又案全唐文有郃
所撰方玄英先生傳則郃爲干弟子信矣至卸衣
捕魚之事近於小說家附會之談殊不足信王氏
棊光緒仙居志辨其妄而削之是矣

遺事

宋史浩十二先生贊其十二奉化孫公贊曰朱梁僭竊
公懷憤恥仕還民服年著甲子寥寥唐末有茲義士
遺編雖存惜無信史

孫捨遺外紀

五十四明叢書

約園刊本

壽鏞案史忠定十二先生贊蓬萊黃公大梅梅公
石臺葛公石窗賀公大隱楊公慈溪杜公甬水王
公西湖樓公桃源王公望春王公湖西周公奉化
孫公也見四明文獻考

計有功唐詩紀事云希韓四明人與方干友善乾寧中
登進士第好荀揚孟子之書學退之爲文爲校書郎
中河南府文學其文爲錢珣所序詩有仕宦類商賈
終日常東西之句

王應麟困學紀聞云孫郃論春秋無賢臣蓋諸侯不知

有王其臣不能正君以尊王室此孟子所以卑管晏也全謝山注云孫邵唐末拾遺吾鄉前輩也春秋無賢臣論以見當時藩府諸臣無心王室

戚學標三台詩錄云邵有春日早朝詩冠冕裔皇王岑遺範頌聯云青瑣傳香扶日出紫雲護闕擁山來其雲日字與春早互映猶佳

壽鏞案三台詩錄三十二卷清戚學標編學標自序略曰吾郡之有詩刻自南宋初桑公肅輯天台石橋詩始而李御史子長繼之州學諭林師葳及

孫遷外紀

六

四明叢書
約園刊本

子表民又繼之有天台正續集及別編然皆前人題詠天台山水之什非郡人自作詩文也惟鄞天

一閣傳有寫本赤城集十八卷專係郡人詩文

王舟

瑤案赤城集專錄其文有關於台郡者非皆台人作王藜案先生未見此書故誤耳亦表民

輯而其書於今乾隆四十八年閒進入中祕詩已佚不存明成化初吾鄉黃定軒謝方石兩侍郎以台號禮義邦世稱小鄒魯不可任遺詩零落良集自宋來先輩詩始左經臣訖余尙則得四十餘家應憲使志欽刻之廣南其亦名赤城集蓋未知有

表民本也

案黃謝原編六卷始宋左緯迄明鄔望凡五十九家後復成補遺五卷續編八卷繼又合爲一集得十八卷起唐項斯迄明陶肱凡一百五十三家皆名赤城詩集其續表民者專錄文則名赤城後集是非不知有表民書也

神廟時郡守磐石李公偕

鄉老秦華峯輩益廣搜羅爲三台文獻計得詩七

卷三倍黃謝二家所錄而佳篇遺佚仍多又自隆

萬迄今近三百年詩人輩出無起而甄錄者余留

心桑梓故實旣成外志一書因先輯爲三台詩錄

肇唐五季訖國朝乾隆爲詩凡三十二卷爲人一

千數百而詩餘附焉續又成補遺數卷乾隆癸丑

孫拾遺紀

七

四明叢書
約園刊本

九月二十日學標又編風雅遺聞其自序略曰予

前有三台詩話之刻繼又輯詩錄三十餘卷人繫

以傳詩綴以評統名曰風雅遺聞附之詩錄之後

云

壽鏞又案董竹史先生

慶西

輯四明詩幹三卷錄孫

拾遺詩古意二首哭玄英方干先生詩一首末載

三台詩錄語然則拾遺詩幸存於唐文粹而戚氏

得錄之獨恨其少耳

全祖望句餘土音甬上琴操首孫拾遺淨慧社操原註

云拾遺風節足與司空侍郎齊名較之昭諫更上一層唐史失之可惜其詩曰芒碭雲深兮真龍所出胡今不然兮天狼猖獗白馬波沈兮清流泣血危哉侍郎兮以詐墜笏歸來王官兮僅而得脫其餘霸府兮更無人物羅郎正議兮足壯吳越惜哉斯人兮尙參記室吾將隱兮明山之窟參彼淨慧兮逃彼禪悅

孫鏘

字玉仙進士官四
川越嶺廳同知

江五民

字後村舉人原名迥
名五民自號良園

輯

剡川詩鈔補編二卷首錄拾遺詩其小傳云希韓乾寧中舉進士天祐閒授左拾遺公以朱溫篡唐脫冠

孫鏘外紀

八四朝叢書

約園刊本

歸隱著書悉用甲子所著有孫子文纂四十卷孫氏小集三卷文格二卷見唐藝文志四明郡才名志見浙江通志其風節之高著述之富陶淵明司空圖之流亞也今所傳者文僅春秋無賢臣論卜世論二首詩僅古意二首哭方玄英一首蓋幸存於唐文粹云
原註全唐詩
亦收此詩

壽鏞案剡川詩鈔補編江五民序略曰舒象坤董

奇玉二先生爲剡川詩鈔一書上自秦漢下迄清

初共得詩九百六十八首頗疑此二千年閒吾邑

詩人閒出不應僅止此數及讀剡源集如董叔輝
蕭子西陳晦叔珣上人皆有詩集而詩鈔不之及
新城與本堂相唱和有棣萼竅蚓蒿里等集三江
李在明有甬山集均見清容集中詩鈔未收隻字
及後見唐文粹有孫拾遺詩南山寺志有舒文靖
詩亦皆爲詩鈔所無至是又擬別爲補遺第綜其
所得視前鈔僅九分之一云

江五民良園詩話唐以詩賦取士故詩之盛莫如唐而
三百年中吾四明以詩名者殊寥寥鄞之著者祇賀

孫拾遺外紀

九四明叢書

約園刊本

季真且里居亦不確定明州惟吾希韓先生隱居鄉
里提唱古風雖丁有唐之末運實開風雅之先聲誦
杜祁公遺其孫沔知明州詩云四明山水饒靈粹唐
有希韓負出倫又見賢侯光乃祖暫還仁里庇斯民
之句其文采風流猶令人留連不置也

壽鏞案良園以祕監里居未確定而拾遺之里居
檢台州府志則因高僧傳書樂安人以爲台產歸
隱奉化與祕監爲鄞之寓賢正同然台志採之較
詳於寧志奉志固知人不必以地爭也

著述

宋歐陽修唐書藝文志孫子文纂四十卷又孫氏小集

三卷

原註孫邵字希韓乾寧進士第

又孫邵文格二卷

宋王堯臣崇文總目孫子文纂四十卷又有孫邵文集

四十卷文格二卷

壽鏞案台志曰崇文總目有文纂又有文集恐是

一書誤分

宋晁公武郡齋讀書志孫邵文纂一卷唐孫邵撰邵字

希韓四明人乾寧四年進士好荀揚之書文慕韓愈

孫捨遺外紀

十四朔藏書

約園刊本

舊四十卷

宋馬端臨文獻通考經籍考與郡齋讀書志同

宋史經籍志孫氏小集三卷文格二卷

浙江通志經籍門八孫子文纂四十卷孫氏小集三卷

經籍門十四四明郡才名志

宋高僧傳樂安孫邵著

壽鏞案宋高僧傳三十卷僧贊寧著浙江通志引

弘治湖州府志贊寧德清人

朱彝尊經義考孫氏

邵

春秋無賢臣論一卷存引困學

紀聞王應麟曰及浙江通志傳

壽鏞案竹垞未見論文以爲一卷誤也

台州府志經籍考春秋無賢臣論一卷唐孫郃撰郃樂

安人

原註今之仙居或以爲奉化人誤詳本傳考異

事蹟具文苑傳王應麟

困學紀聞云郃論春秋無賢臣蓋諸侯不知有王其

臣不能正君以尊王室此孟子所以卑管晏也經義

考存今載全唐文中

台州府志經籍考四明郡才名志唐孫郃撰是書見嘉

定志

壽鏞案宋嘉定閒所修志

及宋高僧傳今佚

台州府志經籍考孫子文纂四十卷唐孫郃撰是書見

孫子文纂

十一四明叢書

初編刊本

新唐書藝文志案今本崇文總目有孫子文纂四十

卷又有孫郃文集四十卷恐是一書誤分郡齋讀書

志有文纂一卷云舊四十卷通考同今佚全唐文中

載其文四首孫氏小集三卷唐孫郃撰見新唐書宋

志崇文總目今佚文格二卷唐孫郃撰見新唐書藝

文志

奉化縣志藝文唐孫郃孫子文纂四十卷

唐書藝文志 浙志 孫

氏小集三卷

唐書藝文志 浙志

四明郡才名志

浙志 徐氏

志校勘記云此書見浙江通志引宋高僧傳案乾道志拾遺傳中當引四明才名託余疑作高僧傳者卽

本諸此而誤以爲拾遺所撰耳然前志後記沿用舊題亦著述家常有之事固不能謂拾遺之必無此書也

春秋無賢臣論

嘉靖志 康 卜世論 嘉靖志 乾志 臣誤人 康 乾志

墓 籍貫附

四明山志云樂安侯孫邵墓在白雲山 餘姚縣志 采錄同

壽鏞案拾遺籍貫據台州府志則產樂安卽今之仙居縣四明山志稱爲樂安侯此亦一證而台志未引浙江通志於傳則引十國春秋謂明州奉化人於其著述孫子文纂孫氏小集下據郡齋讀書志亦謂四明人於四明才名志下則據宋高僧傳

孫綽外紀 十二國朝叢書 約圖刊本

謂樂安人前後歧出台志於經籍考春秋無賢臣論下注或以爲奉化人誤詳本傳考異而考異云十國春秋言歸隱於奉化山蓋邵後隱於奉化遂以爲奉化人也云云今據四明山志曰樂安侯台志之說或是也但自宋乾道圖經卽著拾遺爲四明籍則由來已久拾遺爲吾鄉賢固非台人所得奪矣

校勘

壽鏞案唐文粹卷十五下錄拾遺哭玄英方干先

生詩一首卷十八古意二首卷三十八卜世論春

秋無賢臣論四明文獻考本此唐詩紀事卷六十

一錄詩二首爲古意卷六十三錄詩一首爲哭玄

英傳一爲玄英先生傳唐文粹未載於是四明詩

幹本之錄其詩焉清選全唐文錄唐文粹二論及

玄英先生傳又益以送無作上人遊雲門法華序

而四明文徵遂錄是序壽鏞更取奉化志王知蘊

傳原文補之曰王積中墓志銘至清選全唐詩則

固本於唐文粹也諸本字句稍有出入茲刻凡唐

孫道先

十三國朝藏書

約園刊本

文粹所有者悉依文粹本餘亦從最先本因校勘
如左

卜世論 位重憂崇 全唐文作位重優崇

春秋無賢臣論 康乾志臣作人 則忠孝兩全 全唐文作則上下有字

康又天下 全唐文作康又四方 後世不懼 全唐文作後世不知懼 豈

不如然 全唐文作豈不誠然 無賢臣哉 全唐文作哉也

送無作上人遊雲門法華序 又見朱放詩 全唐文放作訪誤案

唐詩紀事錄朱放詩 常以爲過 全唐文常作嘗 宣哉 全唐文無此二字

哭玄英方干先生 紙衣裳 全唐詩紙作弊 猶喜 刻川詩補編作喜

幸

揚名獻

全唐詩
獻作薦

古意第二首

葬江魚

全唐詩
魚作水

孫拾遺外紀

十四

四期藏書
約園刊本

孫拾遺外紀

孫子文纂四十卷宋之時已不可得卽所謂孫氏小集
三卷文格二卷四明才名志者今亦尠有存焉望古遙
集文獻無徵斷璧碎金成爲至寶壽鏞誦陋姑就聞見
蒐集詩文仍其名曰文纂爲一卷更輯傳略遺事著述
攷其墳墓里居校其文字異同曰外紀別爲一卷固知
掛漏繁多然書闕有間存其厓略而已宋史忠定贊之
曰寥寥唐末有茲義士遺編雖存惜無信史同此感慨
邦人君子幸匡不逮民國二十年二月張壽鏞跋

四明叢書

四明叢書

四明叢書
約園刊本

古經傳一冊 卷之二 附錄本

古經傳一冊 卷之二 附錄本

四明叢書

四明叢書
約園刊本

時人保字率里不數是國二十半二只誤釋機如

曰國國國未存經緯士國縣縣存詩無計定同也風解

世國國多存國國在國中其風機面曰宋更古也風之

如其國國里國其文字異同曰後世原第一卷國曰

國國國天曰其公曰又國第一卷國國國國國國國

其文國無存國國國全國國在國國國國國國國國

三卷文第二卷四用之卷五卷今亦錄存存國國國

用中文國四十卷宋之國曰不可國國國國國國